

Daim Ntawv Tswv Yim ntawm Kev Pab Them Nqi Duav Roos Rau thiab Kev Muaj Cai Tsim Nyog Tau Txais Kev Pab Txoj Kev Zam Ua Qauv Qhia ntawm Medicaid 1115 (1115 Waiver Demonstration)

Cov Ntsiab Lus Xaus ntawm Txoj Kev Thov


Txheej txheem pab cuam no pab txav kom Xeev Oregon mus zes dua qub rau txhua yam kev nkag cuag tau yam ua kom txoj kev pab them nqi duav roos uas muaj ntawm Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) muaj kev ruaj khov, xyuas kom tseeb tias muaj kev sau npe rau cov neeg uas muaj cai tsim nyog tau txais kev pab cuam lawm, thiab nthuav txoj kev muaj cai tsim nyog tau txais kev pab kom dav rau cov neeg uas muaj kev pheej hmoo yuav poob tsis muaj is saws tuav pov hwm.

Teeb Meem thiab Keeb Kwm Yav Dhau Los

Thooob plaws lub xeev, muaj thaj tsam li rau feem pua ntawm cov pej xeem hauv Xeev Oregon tsis muaj kev pab them nqi duav roos is saws laws tuav pov hwm kev noj qab haus huv tsis hais yuav nyob rau lub sij hawm twg li. Qee cov zej zos ua muaj ntau haiv neeg nyob yog yuav luag li ob npaug uas zoo ntxim li tsis muaj is saws tuav pov hwm (mus saib ntawm Daim Duab 1). Thaum cov pej xeem tsis muaj kev pab them nqi duav roos is saws laws tuav pov hwm kev noj qab haus huv lawm, lawv yiam ntsib heev rau txoj kev tshuav nqi kho mob los sis ncuat txoj kev saib xyuas kho mob uas xav tau, ua rau tau cov txiaj ntsim kev noj qab haus huv tsis zoo, raug nqi siab tshaj qub thiab yuav tsum tau txoj kev saib xyuas kho mob tuab tshaj qub.

Daim Duab 1

Cov cheeb tsam zej zos uas muaj ntau haiv neeg nyob feem ntau ntxim li yog cov zej zos uas tsis muaj is saws las tuav pov hwm.



Hauv paus ntaub ntawv: Txoj Kev Tshuaj Ntsuam Xyuas Is Saws Las Tuav Pov Hwm Kev Noj Qab Haus Huv Hauv Xeev Oregon (2019)

Txoj kev sib kis ntawm Tus Kab Mob Khaus Viv-19 (COVID-19) tau ua rau pom tseeb tuaj thiab tsub heev ntau tuaj ntawm cov kev noj qab haus huv uas tsis muaj vaj huam sib luag. Txawm li cas los xij, cov txheej txheem lis kev muaj cai tsim nyog tau txais kev pab kom nthuav dav thiab tau nrawm ntawd tuaj yeem ua tau hauj lwm los ntawm Tsab Cai COV KEV SAIB XYUAS KHO MOB uas tau ua rau pom tau tias “txoj kev hloov mus los” ntawm cov pej xeem siv Medicaid ntawd tsawg dua qub yam ntau heev (qhov uas cov pej xeem pheej plam thiab tau txais mus los ntawm txoj kev pab them nqi duav roos nyob rau hauv ncuaj sij hawm ob-lub xyoos). Peb teev lub hom phiaj los tsim ua qhov kev huaj vam ntawm cov tsab cai kev pab them nqi duav roos uas siv tau txiaj ntsig zoo no mus ntxiv.

Cov lai thawi rau txoj kev tsis muaj is saws tuav pov hwm tau siv txawv. Coob leej zoo ntxim li muaj cai Hauv paus ntau ntawv: Txoj Kev Tshuaj Ntsuam Xyuas Is Sawv Huv Hauv Xeev Oregon (Oregon Health Plan, OHP) tab sis ho tsis paub txog qhov ntawd, thaum uas qee leej ntawm Xeev Oregon cov pej xeem uas tsis muaj is saws tuav pov hwm tau ntsib rau cov kev sib cov nyom txog txoj kev pab them nqi duav roos uas vim yog txheej xwm kev nkag teb chaws los sis lwm cov teeb meem khuam ntau heev rau txoj kev sau npe thiab txoj kev rov txiaj txim siab. Xeev Oregon teev lub hom phiaj los sawb lawj cov kev teeb meem khuam rau txoj kev muaj cai tsim nyog tau txais kev pab, kev pab them nqi duav roos rau, los sis kev sau npe uas khaws qee cov pej xeem cia los ntawm txoj kev tau txais thiab kev tswj kho txoj kev pab them nqi kho mob rau fab kev noj qab haus huv.

Hauv paus ntau ntawv: Txoj Kev Tshuaj Ntsuam Xyuas Is Sawv Las Tuav Pov Hwm Kev Noj Qab Haus Huv Hauv Xeev Oregon (2019)

Lub Zeem Muag, Cov Hom Phiaj thiab Txheej Txheem Kev Lis Dej Num:

Lub Zeem Muag: Xeev Oregon muaj tus qib ntaus nqi qis rau txoj kev tsis muaj is saws tuav pov hwm nrog rau tsis cais haiv neeg los sis haiv neeg tsawg yam tsis muaj vaj huam sib luag nyob rau txoj kev pab them nqi duav roos.

Cov Hom Phiaj

- Ua kom txoj kev pab them nqi duav roos rau cov neeg uas muaj kev pheej hmoo yuav poob tsis muaj is saws tuav pov hwm ntawd muaj kev ruaj khov
- Ua kom cov txheej txheem lis kev muaj cai tsim nyog tau txais kev pab uas ceev khaws txoj kev pab them nqi duav roos thoob plaws cov chaw lag luam ntawd hloov yoog raws tau yooj yim, thiab ua tau nrawm
- Ua kom cov pej xeem uas muaj cai tsim nyog tau txais kev pab cuam ntawd tau txais kev sau npe thiab txhob poob kev sau npe

Txheej Txheem thiab Cov Qauv Ntaus Tswv Yim uas Muaj Feem Tshwm Sim Tau Txhawm Rau Kom Mus Txog Lub Hom Phiaj

Cov kauj ruam hauv qab no yog teev txog tus txheej txheem uas xav tau txhawm rau kom mus txog peb cov hom phiaj. Tus txheej txheem no yuav ua tau tiav log raws txoj kev sib txuas ntawm cov qauv ntaus tswv yim txog txoj kev zam thiab txoj kev tsis zam.

Kauj Ruam 1. Xyuas kom tseeb tias seb cov neeg uas raug sau npe tshiab hauv Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) uas vim los ntawm txoj kev sib kis ntawm Tus Kab Mob Khaus Viv-19 (COVID-19) puas tseem nyob rau hauv txoj kev pab them nqi duav roos uas tsim nyog mus ntxiv (Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) los sis Lub Chaw Lag Luam) yam tsis tau raug cuam tshuam.

Peb tau pom tias txoj kev ruaj khov nce tuaj rau hauv txoj kev pab them nqi duav roos nyob ntawm Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) nyob rau thaum lub sij hawm muaj kev sib kis ntawm Tus Kab Mob Khaus Viv-19 (COVID-19) vim yog muaj cov tsab cai uas tsim tshwj xeeb rau qhov laj thawj ntawd. Cov tsab cai no tau ua rau txoj kev muaj cai tsim nyog tau txais kev pab thiab kev sau npe mus tau nrawm, tau tso cai rau cov neeg tso npe thov los ua tim khawv ntawm tus kheej rau lawv li nyiaj khwv tau los, thiab tau hloov tus txheej txheem ntawm txoj kev rov txiav txim siab. Xeev Oregon xav khaws yam uas ua tau hauj lwm zoo thiab tsim los ntawm tus thawj qauv no cia txhawm rau xyuas kom tseeb seb puas txuas txoj kev pab them duav roos mus ntxiv rau cov neeg uas tau sau npe rau hauv Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) nyob rau thaum muaj kev sib kis ntawm tus kab mob tab sis qhov nyiaj khwv tau los ntawm cov neeg ntawd ho hloov pauv lawm. Nyob rau qee kis, qhov no tuaj yeem txhais tau tias cov neeg uas tam sim no tseem nyob rau Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) xav tau kev pab txhawb nqa rau txoj kev hloov yam tsis muaj qhov kuam mus rau lub phiaj xwm kev npaj rau fab kev noj qab haus huv uas tau muab nyob ntawm Lub Chaw Lag Luam.

Kauj Ruam 2. Xyuas kom tseeb tias seb cov neeg uas muaj cai tsim nyog tau txais kev pab rau Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) puas tau txais thiab nyob rau txoj kev sau npe txuas ntxiv.

Thaum cov kauj ruam uas zoo heev tau raug tsim los raws Txoj Hauv Kev ONEligibility, nws muaj chav rau kev txhim kho tas li thaum peb txheem txiav txim rau cov kev cov nyom thiab cov teeb meem khuam uas cov neeg ntawd tau ntsib hauv txoj kev txiav txim siab thiab txoj kev sau npe. Txoj Kev Tshuaj Ntsuam Xyuas Is Saws Las Tuav Pov Hwm Kev Noj Qab Haus Huv ntawm Xeev Oregon ua phiaj yeeg rau pom txog hais tias khwv yees li ib hauv plaub leeg uas tsis muaj is saws tuav pov hwm hauv Xeev Oregon yuav muaj cai tsim nyog tau txais kev pab rau Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) tab sis tseem tsis tau txais kev sau npe yam mob siab rau. Ib zaug ntxiv, cov kev tsis sib txig sib luag uas muaj: Raws cov zej zos Neeg Hispanic los sis Neeg Latino, muaj txog li 1 hauv peb leeg uas muaj

cai tsim nyog tau txais kev pab tab sis ho tsis tau txais kev sau npe; thiab raws cov pej xeem uas tsis yog Neeg Hispanic uas yog lwm haiv neeg dhau ntawv Neeg Tawv Dawb, txog li 42 feem pua muaj cov nyiaj khwv tau los uas yuav tsum ua rau lawv muaj cai tsim nyog rau Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP). Cov qhab nia hauv cov ntaub ntawv no ua rau pom tseeb txog lub hwm tsam ntawm txoj kev nthuav qhia uas tau teeb tseg txhawm rau mus kom txog rau cov neeg uas muaj cai tsim nyog tau txais kev pab cuam tab sis ho tsis tau sau npe. Tsom ntsees rau cov peej xeem “muaj cai tsim nyog tau txais kev pab tab sis tsis tau sau npe” rau ntawm kev nthuav qhia thiab kev sib koom tes ntxiv ntawd yuav muab peb rhais mus kom zes rau peb lub hom phiaj ntawm txoj kev rhuav tshem kev tsis muaj vaj huam sib luag raws haiv neeg hauv txoj kev pab them nqi duav roos.

Kauj Ruam 3: Hloov txoj kev muaj cai tsim nyog tau txais kev pab kom haum txhawm rau ceev ncuaj sij hawm muaj kev tshwm sim yam ua ntu zus los tseg.

Vim tus yam ntxwv ntawm qhov sib cov nyom thiab kev tsis sib zoo sib xwm yeem ntawm lub chaw lag luam is saws las tuav pov hwm kev noj qab haus huv, nws yog qhov ib txwv muaj txog rau ntawm txoj kev ua qee cov pej xeem tseem sib hloov mus los (los sis “txoj kev hloov mus los”) rau hauv thiab tawm ntawm txoj kev muaj cai tsim nyog tau txais kev pab los sis kev pab them nqi duav roos. Txoj Kev Tshuaj Ntsuam Xyuas Is Saws Las Tuav Pov Hwm Kev Noj Qab Haus Huv ntawm Xeev Oregon ua phiaj yeeg rau pom txog hais tias nyob rau xyoo 2019, muaj li 35 feem pua ntawm cov pej xeem uas tsis muaj kev pab them nqi duav roos raug txo tsis muaj is saws tuav pov hwm vim hais tias lawv “plam txoj kev pab them nqi duav roos ntawm Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP).” Txoj kev cuam tshuam ntawd yog yam uas ntxhov siab heev thiab tuaj yeem muaj hloov pauv ntawm lub neej txoj sia yam nkaus li yog cov pej xeem uas plam kev nkag cuag tau rau txoj kev saib xyuas kho mob los sis cov kev sib raug zoo uas tsim tsa tseg nrog cov kws muab kev pab cuam kho mob uas lawv ntseeg siab rau. Xeev Oregon teev lub hom phiaj los txhawb txoj kev pab them nqi duav roos kom zoo zog qub rau cov me nyuam yaus thiab cov tsev neeg, thiab los nthuav txoj kev pab them nqi duav roos kom dav rau Cov Pej Xeem Hauv Lub Xeev Oregon uas tau nyiaj khwv tau los tsawg es tam sim no tseem tsis muaj cai tsim nyog tau txais Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP), yog hais tias ua tau.

Cov qauv ntaus tswv yim rau txoj kev zam uas muab qhia los

Xyuas kom tseeb tias seb nws puas tau txais kev pab them nqi duav roos kom tau ntxov zog qub thiab nyob rau txoj kev sau npe hauv Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) tuaj yeem raug ua tau raws ib qho ntawm cov qauv ntaus tswv yim uas muaj feem tshwm sim tau. Nyob rau qee kis, txoj hauj lwm no twb yeej npaj txhij los tsim rau hauv Tus Qauv Kev Saib Xyuas Kho Mob Uas Dhia Hauj Lwm Ua Ke thiab cov kev xav tau yam yooj yim uas raug txhawb kom zoo. Hauv qab no yog daim ntawv teev cov tsab cai thiab cov qauv ntaus tswv yim uas muaj feem tshwm sim tau.

Muab txoj kev muaj cai tsim nyog tau txais kev pab cuam yam tsis tu ncuu li 5-xyoo rau cov me nyuam yaus.

Xeev Oregon thov txoj kev muaj cai tsim nyog tau txais kev pab cuam yam tsis tu ncuu li 5-xyoo rau cov me nyuam yaus, uas yuav tuaj yeem tshem cov kev tshab xyuas txoj kev muaj cai tsim nyog tau txais kev pab cuam ntawm Medicaid thiab Txheej Txheem Is Saws Las Tuav Pov Hwm Me Nyuam Yaus (Children's Health Insurance Program, CHIP) tawm rau cov me nyuam yaus uas cov kev tshab xyuas ntawd yog yam tuaj yeem ua rau lawv txoj kev saib xyuas kho mob thiab kev txhim kho tsis ruaj khov. Tam sim no Xeev Oregon tseem ua raws txoj kev xaiv ntawm tsoom fww rau txoj kev muaj cai tsim nyog tau txais kev pab tsis tu ncuu li 12- lub hlis rau cov me nyuam yaus, uas hnub nyoog 0-18 xyoo, nrog rau cov kev teev cai los rho cov me nyuam yaus pib nkag rau 19 xyoo los sis tsiv tawm hauv lub xeev lawm ntawd tawm raws cov kev cai uas tseev kom ua los ntawm tsoom fww.

Txoj kev muaj cai tsim nyog tau txais kev pab cuam tsis tu ncuu yuav txo tau “txoj kev hloov mus los” ntawm cov me nyuam yaus uas raug teeb meem yooj yim li kev nkag thiab tawm Medicaid. Qhov no yuav txhim kho txoj kev ruaj khov ntawm kev pab them nqi duav roos thiab kev saib xyuas kho mob ua ntu zus thiab ho tig rov los txhim kho txoj kev nkag cuag tau thiab cov txiaj ntsim ntawm kev saib xyuas kho mob. Vim hais tias coob leej ntawm cov me nyuam yaus no tseem muaj cai tsim nyog rau txoj kev pab them nqi duav roos mus txuas ntxiv, txoj kev tshem qhov kev hloov mus los ntawd thiaj txo tau cov nqi tuav tswj thiab txoj kev nyuaj siab ntawm cov tsev neeg thiab rau lub xeev tau hauv tus txheej txhe kev tso npe thov. Ntxiv ntawd, txoj kev nthuav pawg me nyuam yaus uas tau txais kev pab them nqi duav roos tsis tu ncuu kom dav ntawd yuav txo tau rau cov nqi ntawm kev pab them nqi duav roos rau tus tswv cuab.

Qhov no txhais tau li cas rau qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) cov tswv cuab?

Txog rau ntawm cov me nyuam yaus hauv Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP), qhov no txhais tau tias kev pab them nqi duav roos is saws laws tuav pov hwm kev noj qab haus huv thiab kev nkag cuag tau rau cov kws muab kev pab cuam kho mob uas tau paub zoo tuaj yeem nyob yam xwm yeem mus ncuu ntev, tshwj xeeb tshaj yog nyob rau cov xyoo uas tseem nyob rau tsev kawm ntawv me nyuam yaus thiab tseem yog tub ntxhais hluas. Txog rau ntawm cov niam txiv thiab cov neeg saib xyuas tus me nyuam hauv Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP), qhov no txhais tau tias yuav muaj cov kev rov txiav txim siab txog kev muaj cai tsim nyog tau txais kev pab ntawd tsawg dua qub, thiab tsis tshua txhawj txog tias qhov sij hauj lwm me ntawm txoj hauj lwm yuav ua kev cuam tshuam rau txoj kev saib xyuas kho mob ntawm cov me nyuam lawm.

Tso cai rau cov neeg tso npe thov los ua tim khawv ntawm tus kheej rau nyiaj khwv tau los.

Txoj kev tso cai rau cov neeg tso npe thov los ua tim khawv ntawm tus kheej rau lawv li nyiaj khwv tau los yog ib tsab cai tau txiaj ntsim zoo heev li uas teeb tsim tawm los vim yog muaj kev sib kis ntawm Tus Kab Mob Khaus Viv-19 (COVID-19). Xeev Oregon xav kom khaws tsab cai no tseg

txhawm rau kom txheej txheem kev tso npe thov thiab kev txiav txim siab ntawd ua tau yooj yim. Tsab cai no tau ntxiv qhov nrawm rau ntawm qhov uas cov neeg tso npe thov yuav tau txais kev roos thiab nkag cuag tau rau txoj kev saib xyuas kho mob yam uas tso cai rau muaj kev pab them nqi duav roos ua ntej los muab kev kuaj xyuas txog qhov tseeb ntawm qhov nyiaj khwv tau los.

Qhov no txhais tau li cas rau qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) cov tswv cuab?

Cov neeg uas muaj cai tsim nyog tau txais kev pab rau Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) yuav tuaj yeem los ua hauj lwm nrog Cov Kws Txhawm Pab Kev Tso Npe Thov los sis tsis tas li ntawd kom tseem tuaj yeem sau npe hauv Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) yam ua pov thawj ntawm tus kheej rau cov qib nyiaj khwv tau los txhawm rau kom tau txais cov kev pab them nqi duav roos, thiab txuas ntawd kuj tseem yuav muaj lub sijhawm ntxiv los suav sau ntaub ntawv tsim nyog txhawm rau lees qhov tseeb ntawm nyiaj khwv tau los, xam nrog rau yam muaj feem tshwm sim tau raws lwm txoj hauv kev ua hauj lwm (piv txwv li, txoj kev muaj cai tsim nyog tau txais kev pab rau cov txiaj ntsig ntawm Qhov Txheej Txheem Pab Cuam Uas Muab Kev Pab Txog Fab Khoom Noj Khoom Haus Muaj Thaj Zoo Rau Lub Ceb Ntau Yam (Supplemental Nutrition Assistance Program, SNAP) tam sim no). Yog hais tias ua tau, Xeev Oregon yuav nrhiav txoj hauv kev los siv cov hauv paus ntaub ntawv uas muaj ntawd los pab txoj kev nyuaj siab ntawm cov tsev neeg ntxiv ntawd.

Cov tsab cai saws uas ceev cov tsev neeg uas tau txais kev roos cia ua ke raws li cov kev hloov pauv ntawm nyiaj khwv tau los.

Xeev Oregon muab siab ua hauj lwm nrog tsoom fwm lub chaw ua hauj lwm txhawm rau txheeb xyuas cov hwm tsam los khaws cov tsev neeg uas tau sau npe ntawd cia hauv Cov Koom Haum Saib Xyuas Kho Mob Yam Sib Koom Dhia Hauj Lwm (Coordinated Care Organizations, CCOs), txawm tias muaj cov kev sib txawv hauv ncuav kev muaj cai tsim nyog tau txais kev pab raws nyiaj khwv tau los nyob rau ntawm cov me nyuam yaus thiab cov laus uas tam sim no yog nyob rau cov qib nyiaj khwv tau los uas ua kom tsim nyog tau txais kev pab rau Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) thiab cov nyiaj pab nyob rau hauv Lub Chaw Lag Luam los xij. Muaj feem tshwm sim tau uas tsab cai no yuav tseev kom muaj cov kev zam los sis cov tswv yim ntxiv txhawm rau los qiv kom tau nyiaj pab ntxiv rau cov neeg koom hauv Lub Chaw Lag Luam, rau cov hom phiaj ntawm kev sau npe hauv Lub Koom Haum Saib Xyuas Kho Mob Yam Sib Koom Dhia Hauj Lwm (Coordinated Care Organization, CCO).

Txoj kev tshawb fawb qhia tau tias cov me nyuam yaus li kev noj qab haus huv thiab kev txhim kho yog nce raws feem ntawm lawv leej niam leej txiv li kev noj qab haus huv thiab kev nyab xeeb, thiab nws tseem ceeb heev rau cov leej niam leej txiv uas yuav los ntsib txoj kev saib xyuas kho mob ua ntu zus ntawm txoj kev pab them nqi duav roos nyob rau thaum twg los tau uas tsim nyog. Tsis tas li ntawd, thaum cov niam thiab txiv tau txais kev pab them nqi duav roos thiab swm rau txoj

hauv kev los tsav xyuas qhov lab npauv ntawd lawm, yuav muaj ib txoj kev nce rau hauv cov me nyuam yaus txoj kev nkag cuag tau rau cov kev pab cuam tiv thaiv uas tau hais qhia los ntawd.

Qhov no txhais tau li cas rau qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) cov tswv cuab?

Txog rau ntawm cov tswv cuab uas koom hauv ib tsev neeg, cov me nyuam yaus yuav tau txais kev pab them nqi duav roos txog li tus qib nyiaj khwv tau los uas siab dua qub, thiab cov tswv cuab uas yog neeg laus los kuj tuaj yeem tau txais ib yam nkaus. Qhov no tuaj yeem txhais tau tias cov tswv cuab tsis tas yuav tsum tau los xam cov txiaj ntsig is saws las tuav pov hwm uas sib txawv los sis los tsav xyuas cov pab pawg nej vawj uas sib txawv mus rau cov tswv cuab uas sib txawv ntawm tib tse neeg.

Nthuav txoj kev pab them nqi duav roos kom dav rau Cov Pej Xeem Hauv Lub Xeev Oregon uas muaj nyiaj khwv tau los tsawg uas tam sim no tseem tsis tau muaj cai tsim nyog tau txais kev pab cuam

Xeev Oregon tau pom qhov paj ntsig tau los yam ruaj khov hauv txoj kev txhawb nqa cov kev muab siab sib zog los nthuav txoj nkag cuag tau rau Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) kom dav mus rau cov neeg koom uas muaj nyiaj khwv tau los tsawg uas tseem tsis tau muaj cai tsim nyog tau txais kev pab cuam vim yog txheej xwm kev nkag teb chaws. Qhov no tau ua yam tiav log rau cov me nyuam yaus uas hnuv nyoog qis dua 19 xyoos raws li txheej txheem pab cuam Duav Roos Txhua Cov Me Nyuam Yaus nyob rau xyoo 2017. Tam sim no Xeev Oregon muab txoj kev pab them nqi duav roos yam meej ntxaws raws pob nyiaj pab ntawm lub xeev rau cov me nyuam yaus uas khwv yees li 6,500 leeg (nyuam qhuav yug txog rau 19 xyoo) yam txog li los sis qis dua 300% ntawm them kev txom nyem uas tsoom fww teev tseg (federal poverty level, FPL) uas yog cov neeg tsis muaj cai tsim nyog rau Medicaid vim yog xwm txheej qhia kev ua neeg xam xaj, thiab txoj kev pab them nqi duav roos thaum xwm txheej ceev rau 42,834 tug neeg laus uas yog neeg khiav teb chaws txog li los sis qis dua 138% ntawm them kev txom nyem uas tsoom fww teev tseg (federal poverty level, FPL) raws Txheej Txheem Pab Cuam Txoj Kev Kho Mob Kis Xwm Txheej Ceev Uas Tau Zam rau Cov Neeg Txawv Teb Chaws (Citizen Alien Waived Emergent Medical Program, CAWEM).

Txoj kev nkag cuag tau rau yam tsis muaj vaj huam sib luag rau cov kev tiv thaiv, kev kuaj mob, kev kho mob, thiab cov tshuaj txhaj tiv thaiv kab mob ntawm Tus Kab Mob Khaus Viv-19 (COVID-19) nyob rau lub sij hawm muaj sib kis ntawd tau taw qhia txoj kev xav tau kis mam rawm thiab tseem ceeb txhawm rau ua kom paub tseeb tias txhua Cov Pej Xeem Hauv Lub Xeev Oregon tau nkag cuag tau rau txoj kev saib xyuas kho mob lawm. Txhawm rau mus kom txog Xeev Oregon cov hom phiaj ntawm txoj kev txov kom cov kev tsis muaj vaj huam sib luag ntawm kev noj qab haus huv tsawg zuj zus nyob rau 2030 thiab txoj kev txov kom cov teeb meem khuam tsawg zuj zus rau txoj kev muaj cai tsim nyog tau txais kev pab, kev pab them nqi duav roos los sis kev sau npe, Xeev Oregon yuav tsum nthuav txoj kev muaj cai tsim nyog tau txais kev pab cuam kom dav fo rau ntawm kev pab them nqi duav roos uas meej ntxaws mus rau txhua cov neeg nkag teb chaws hauv lub xeev. Ob tsab ntawv teev cai tam sim no tseem tab tom muab mus lis hauj lwm

raws Zeeg Roj Sib Tham Ntsig Txog Tiam Lis Pej Xeem yuav muab Txoj Kev Kho Mob Kis Xwm Txheej Ceev Uas Tau Zam rau Tus Pej Xeem/Cov Neeg Txawv Teb Chaws (Citizen/Alien Waived Emergency Medical, CAWEM)-yam duav roos txhij txhua rau txheej txheem pab cuam (muaj cai “Duav Roos Rau Txhua Tus Tib Neeg”) mus rau cov neeg tsis muaj ntaub ntawv uas yog neeg laus.

Lawv liag qab ntawm txhua txoj kev nqis tes ntsig txog tiam lis pej xeem uas muaj feem cuam tshuam rau (cov) tsab ntawv teev cai Duav Roos Rau Txhua Tus Tib Neeg, thiab qhov kev mob siab rau los ntawm Tus Thawj Hau Tswj Kav Xeev, Xeev Oregon npaj siab los koom ua khub lag luam nrog rau tsoom fww lub chaw ua hauj lwm txhawm rau taw qhia cov hww tsam los qiv kom tau nyiaj pab ntxiv rau cov kev nqis peev uas twb muaj lawm ntawm lub xeev thiab tsoom fww nyob rau ntawm cov pej xeem no txhawm rau los tsim txoj kev ruaj khov thiab txheej txheem pab cuam uas muaj feem xyuam nrog ntau ntxiv. Cov pej xeem uas tseem tsis tau muaj is saws tuav pov hwm ntawm lub xeev xws li ib feem ntawm cov neeg uas tsis muaj ntaub ntawv, yuav luag txhua tus neeg yog cov uas ntsib cov teeb meem khuam rau hom lus, kab lis kev cai, los sis kev ntseeg ntawm txoj kev nkag cuag tau rau txoj kev pab them nqi duav roos thiab kev saib xyuas kho mob.

Qhov no txhais tau li cas rau qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) cov tswv cuab?

Xeev Oregon yuav ua hauj lwm los nce thiab nthuav txoj kev pab them nqi duav roos kom dav txog qhov uas tuaj yeem txais kev siv tau ntawm txhua cov neeg uas muaj nyiaj khwv tau los tsawg txhawm rau kom nkag cuag tau rau txoj kev pab them nqi duav roos rau kev saib xyuas kho mob fab kev noj qab haus huv, tsis hais yuav yog rau fab twg ntawm txheej xwm kev nkag teb chaws.

Nrhiav ntau txoj kev hloov raws tau yooj yim los ua kom ntxiv nyiaj pab ntawm tsoom fww Tsab Cai Hais Txog Kev Saib Xyuas Kho Mob Tus Nqi Pheej Yig mus rau cov neeg sau npe uas muaj cai tsim nyog tau txais kev pab cuam.

Txhawm rau ua kom paub tseeb tias cov neeg uas muaj cai tsim nyog tau txais kev pab los ntawm Medicaid tau txais kev sau npe, cov kev nqis peev nyob rau kev nthuav dav thiab kev sib koom tes uas xav tau ntawm ntau cov qib kev pab nyiaj. Xeev Oregon teev lub hom phiaj los ua kom txhua duas las nyiaj ntawm tsoom fww uas siv tau ntawd muaj ntau tshaj plaws txhawm rau los txhawb rau txoj kev sau npe uas nce ntau ntxiv ntawm cov neeg uas muaj cai tsim nyog tau txais kev pab cuam.

Qhov no txhais tau li cas rau qhov Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) cov tswv cuab?

Txog rau ntawm cov neeg uas muaj cai tsim nyog tau txais kev pab cuam tab sis tsis tau sau npe, koj tuaj yeem saib txoj kev nthuav dav thiab kev sib koom tes kom ntaub ntxiv txhawm rau los txhawb nqa koj txoj kev sau npe hauv Phiaj Xwm Kev Npaj Rau Fab Kev Noj Qab Haus Huv Hauv

Xeev Oregon (Oregon Health Plan, OHP), zoo tshaj mus yog nyob rau hauv koj hom lus los sis ua los ntawm cov neeg koom tes uas tau txais kev ntseeg siab thiab cov koom haum txum nyob rau hauv zej zos.

Cov tsab cai ntxiv (kev tsis zam) los txhawb nqa txoj hauj lwm no

- Xyuas kom meej tias Cov Koom Haum Saib Xyuas Kho Mob Yam Sib Koom Dhia Hauj Lwm (Coordinated Care Organizations, CCOs) tseem muab cov kev pab cuam ntawm kev nthuav dav thiab kev tsav xyuas mus txuas ntxiv uas txhawb nqa thiab khaws cov tswv cuab uas twb muaj lawm cia uas yog cov tseem muaj cai tsim nyog tau txais kev pab cuam ua ntej ntawm cov hnuv tim kev rov txiav txim dua.
- Nrhiav cov hwv tsam los koom ua khub lag luam nrog Lub Thawj Fab Saib Xyuas Hauj Lwm ntawm Tus Neeg Siv thiab Cov Dej Num Kev Lag Luam (Department of Consumer and Business Affairs, DCBS) txhawm rau kom nkag siab zoo txog cov hwv tsam los ua kom txoj kev muaj cai tsim nyog tau txais kev pab ruaj khov rau cov neeg uas hloov hla ntawm Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) thiab Lub Chaw Lag Luam
- Txoj kev kho dhos lwm cov kev txhawb pab uas twb muaj lawm hauv lub xeev thiab tsoom fww txhawm rau ua kom txoj kev pab them nqi duav roos rau kev saib xyuas kho mob fab kev noj qab haus huv nthuav dav los sis ruaj khov, xam nrog rau Lub Zog Ua Hauj Lwm rau Kev Nkag Cuag Tau Rau Txhua Yam thiab cov kev muab siab sib zog ntsig txog tiam lis pej xeev uas los nriav txoj kev xaiv ntawm zej tsoom sawv daws raws lub xeev

Koj tuaj yeem tau txais daim ntawv no sau ua lwm yam lus, ua ntawv loj, cov ntawv su rau neeg dig muag xuas thiab lwm hom uas koj nyiam siv. Tiv tauj rau qhov Txheej Txheem Pab Cuam Nthuav Qhia Rau Tus Neeg Koom Tes Hauv Lub Zej Zos (Community Partner Outreach Program) ntawm community.outreach@dhs.ohio.state.or.us los sis raws kev hu rau tus xov tooj 1-833-647-3678. Peb txais txhua tsab xov tooj hu tuaj ntawm cov neeg tsis hnov lus zoo los sis koj tuaj yeem ntaus hu rau 711.

